

FESTAS RELIGIOSAS DE COLLINAS

In Forru, aicci si narat antigamenti Collinas, mancai tengiaus sa fama di essiri pagu religiosus poita su dominigu frequentaus pagu sa Cresia, organizaus medas festas religiosas.

Is festas funti organizadas de unu comitau formau de ominis e feminas, chi fainti sa circa in sa bidda po domandai s'oferta po podi organizai sa festa in onori de su santu chi si depidi festegiai.

Is componentis de su cumitau cambianta onni annu, e funti nominaus de su cumitau chi bessit.

Sa dificolta di manna est ca medas non si olint interessai, e gira gira is chi si interessant funti sempri is proprius, ma s'interessanti est chi sa festa si fazada.

Sa prima festa est santu Srebestianu.

Sa festa est su 20 de gennrasciu, ma in Collinas si festegiada su sabudu e su domunigu dopu su 20.

Su sabudu 'e noti s'alluidi su fogadoni fac'ora de is noiras , chi esti steti preparau sa di e totu, de su cumitau cun s'aggiudu de atras personas volenterosas. Dopu postu fogu a su fogadoni si sparanta unu scantu guettus e granatas po allargai su logu. A sa genti chi partecipada asu spetaculu su ofridi pani, casu, para fritus e biu de forru, ch'est nomenau po essiri druci, mancai immoi sindi produsciada sempri prus pagu poita ca is bingias ndiddas anti bogadas. Po chi si olidi scadrighiai, ca a su noti faidi frescura, e non oliidi acostai a su fogadoni, ddu poidi fairi ballendu unu ballu sardu accumpangiau o de una fisarmonica o de unu sonu de is launeddas.

Su dominigu e mengianu si faidi sa festa religiosa, cun sa brufessoni e sa missa cantada.

Sindi pigada su santu de sa cresia sua, poita santu Sebrestianu tenidi una cresia po contu su, chi probabilmente, esti istetia sa prima cresia parrocchiali de Forru, si faidi sa brufessoni e in cresia manna si faidi sa missa e sa predica. Pustis su santu beni torrau a sa cresia sua.

Poi bendi sa festa de Pasca Manna.

Po custa festa puru c'est su cumitau chi s'interessada po fairi unu pitticu sparatoriu su matisi de is Corantoras, chi funti quindisci disi prima de Pasca. Su martisi a sa serrada de is Corantoras in domu de su primu orberi si faidi puru unu piticu cumbidu po is vairias organizatzionis chi funti interessaus in sa cresia.

Ocannu sa scenabara santa c'est una novidadi, su Vicariu a torrau a bogai s'usanza de fairi "SU SCRAVAMENTU", in Collinas si fadiada circa 80 annus faidi, finiu Su Scravamentu si faidi sa brufessoni de su Cristu mortu chi sinci portada a su Sepulcru, a sa cresia de santu Srebestianu chi abarrada abeta su sabusu santu puru po chini collidi andai a pregai.

Sa di e Pasca si faidi sa brufessoni de s'Incontru. Gjesusu risortu acumpangiau de is ominis partidi de sa cresai de Santu Srebestianu, sa Madonna cun is feminas partidi de cresia manna. S'incontru si faidi in su scianu de santu Perdu. Dopu si Gjesusu e sa Madonna si funtis incontraus totus impari si andada, accumpangiaus de unu bellu sparatoriu a cresia manna po sa Missa cantada.

Sa festa de santu Isidoru patronu de is messaius.

Custa festa si faidi su dominigu dpo su quindisci de su mes'e maiu. Su sabudie noti si fainti ballusu in piazza. Su dominigu sa festa religiosa. A mengianu si faidi sa brufessoni accumpangiada de su grupu folcloristicu, de is tratoris, a su postu de is bois chi non cind'À prusu, totu concrodaus de froris e de tapetus antigas. Sa genti anca passada su santu faidi sa ramatura. Pustis sa brufessoni sa missa cantada cun sa predica.

Sa di de santu Isidoru sa Pro-Loco in collaborazioni cun su cumitau e s'Amministratzioni Comunali, organizzada una estemporanea de pittura. A su meri "Cortes Apertas", aundi si fainti rapresentatzionis de mestieris antigus e si podit tastai calincuna specialidadi chi si fadiat antigamenti.

Sa festa de santu Arrocu (San Rocco).

Su sesci de austu in Collinas si festegiada sant' Arrocu, a diferentzia de su continenti, in Sardegna est unu santu pagu connotu. Dedicada a sant'Arrocu esistiti puru una cresia, chi fudi fata costrui de unu grupu de famigliasa in 1654 meda devotas de su Santu. In su 1855 sa pesti iada fatu morri medas forresus, is chi si fiant salvas, po riconoscenza a su Santu, ianta fatu restaurai sa statua e comprau unu bastoni de argentu chi sa statua portat ancora.

Sa festa de sant'Arrocu est abbinada a sa festa de s'Assunta (Ferragosto). Po soccasioni si fainti duas notis de ballus in piazza, su 15 e su 16 de austu.

Sa festa religiosa consistiti in custu. Su 15 a mericeddu si faidi sa brufessoni de s'Assunta pustis fata sa Missa. Su 16 sempri a mericeddu si andat a sa cresia de sant'Arrocu e cun su Santu si faidi sa brufessoni, in cresia manna poi si fait sa missa cantada e sa predica. Su santu sinci torrada a portai a sa cresia sua in brufessoni su dominigu dopu.

Sa festa de Santa Maria 'Angiargia.

Sa festa prus manna poi s Collinesus est Santa Maria 'Angiargia.

Sa cresia est situada in mesu de unu boschetti sacru. Probabilmenti risalit a su seculu XII e aparteniada a is Benedetinus. A pagu tretu de sa Cresia si podit biri ancora rovinas de antigas costruzionis probabilmenti de unu antigu villagiu (Villaclara) e de unu monasteru.

Narada sa legenda ca unu carru cun linna torrendu a bidda fudi abarrau arresciu cun s' arroda in d'una forada, su poburu messaiu a solu non ci fudi arrenesciu a ndiddu bogai. Iada cutu una scantus personas chi fianta in zona e dopu varius tentativus pulendo sa forada ianta liberau su carru. Sa forada fudi una sorgenti de acua, murada abbastanza funduda e in d'una nicchia in d'una pareti una statuedda de sa Madonna. Sa statua dianta posta in su carru po torrai a bidda. Ma su carru iada cumenzau a andai ainantis ea torrai agoa. Totua uan borta cumenzada a curri e si frimada in su boscu chi fudi in gunis accanta. E in cussu logu ianta decidiu de costrui una cresia a sa Madonna, invochendida cumentu Santa Maria 'Angiargia. Su nomini 'Angiargia o Bagnargia derivada po su fatu ca sa forada anca ianta agatau sa statua fudi unu bagnu romanu, eccu su nomini santa Maria de su Bagnu. Un'atra legenda narada ca sa Madonna de su boscu non bolidi a tocari mancu unu fustigheddu, deghinò poidi succedi calincuna disgrazia, medas naranta che succedi diaderus.

Sa festa de santa Maria durada tre disi. Su seti, s'otu e su noi de cabudanni. Is bias aundi passada sa Santa beninti concordadas cun bandierinas e palloncinus fatus, duranti s'annu de sa genti, cun paperi de seda, chi candu suada su bentu fainti unu sonu carateristicu. Custa concordia est carateristica propriu de Collinas. Si cumentu s'otu de

cabudanni si festegiada sa nascita de sa Madonna, nosu in Collinas teneus duas statuas po custa festa. Una statua chi rapresentada santa Maria strantascia, chi est sempri in sa cresia sua. Un 'atera chi rapresentada Maria Bambina, una pipiedda fasciada in su brazolu.

Su seti de cabudanni a mericeddu, dopu sa missa su simulacru de Maria Bambina sinci portada in brufessoni a sa Cresia in su boschetti, cun sa partecipazioni de sa genti, de su grupu folcristicu, su sonu de is launeddas e picocus a cuaddu. A s'arribada in su boschetti sa genti si rinfriscant in sa parada. A su notti in biddu ballus in praza.

S'otu, chi est propriu sa di sua, sa festa si svolgit tutu in su boschetti. Is ominis de chizi bandant a preparai su logu po prandi e a cumemzai a allui su fogu po coi su proceddu arrostiu.

Prima de sa Missa si faidi sa brufessoni cun sa statua manna a giru de su boschetti. Dopu prandiu una fisarmonica cun is launeddas intrattenit sa genti cun ballus sardus e civilis.

A su noti ballus in praza in biddu, cun complessinu e launeddas. Su noi sa festa si svolgidi sempri in su boschetti ma in forma prus ridotta in su sensu ca genti a prandi ndi andada prus pagu. Su svolgimentu de sa festa est cumentu de s'otu.

A mericeddu de su noi Maria Bambina rientrat a biddu a su scurigadroschiu, accompangiada sempri de sa genti, de grupus in costumi, picocus a cuaddu e a s'intrada de sa biddu, ca ormai est scrigau, cun sa fiacolada. A s'intrada de sa biddu sa brufessoni si firimat po castiai su sparatoriu chi durat circa descu minutus. Arribaus a praza de cresia, si serrat sa festa cun sa predica, sa benedizioni eucaristica. Dopu sa cerimonia in su campanili poninti fogu a sa pioggia e totus si auguranta atrus annus mellus e cun saludi. A su noti sempri ballus in praza.

Sa Festa de Santu Micheli Arcangelu.

Sa festa de santu Micheli est in forma meda ridotta mancai siat su patronu de Collinas.

Sa di sua est su 29 de cabudanni. Adessi ch'est acanta de Santa Maria, adessi ca sa genti cumenzant a bessiri a binennai, est steta sempri una festisciedda in tonu minori, e annus meda s'est fata feti sa festa religiosa. De unu scantu annus s'est torrau a formai unu cumitatu e a su mancu calincunu guettu ddu sparanta aicci si intendidi signali de festa, e una notti de ballus cun sa fisarmonica.

Custasa funti in festas chi si fainti a Collinas.